

Beiheft

2

S 119

1286 April 22.

[58]

Richter, Bürgermeister und Schöffen der Stadt Hamm bekunden die Auflassung der Hufe Bekehush, Ripl. Coesfeld, an das Stift Varlar.

Nos Hartlevus dictus Pil iudex, Gerwinus dictus Allec magister consulum, Joannes de Camene, Theodericus de Arbore, Detmarus retro Teatrum, Lubertus de Tunne, Flos, Theodericus de Danne, Godde de Berge, Joannes quondam Themonis filius, Hermannus dictus Lorinc, Godefridus de Berge et Joannes dictus Osinck, consules opidi Hammensis, tenore presentium publice protestamur et scire volumus universis, quod Joannes et Henricus dictus Mitlon, Jutta uxor eiusdem, Henricus, Johannes et Heleburgis haeredes eorundem, in nostra praesentia constituti mansum, qui dicitur Bekehuss, in Hembrugge in parochia Cosvelt situm, cum omnibus suis attinentiis et omni jure, quod in dicto mansu habebant vel habere videbantur, in manus honorabilis viri praepositi Joannis in Varlare et conventus ibidem Luberto, praedicti conventus infirmario, nomine dictorum praepositi et conventus huiusmodi renunciationem suscipiente renunciantes libere resignarunt. Praesentes erant nobiscum Alexander praepositus de Capellis, Bruno plebanus ecclesiae in Hammone, Rodolphus plebanus in Werne, Thidericus dictus Wrede, Joannes dictus Cule canonici Capenbergenses; Joannes dictus Harme, Gottschalcus de Hessen, Joannes dictus Wullenspit, milites; Macarius custos ecclesiae Hammensis, Rodolphus de Horne, Hermannus Krampe, Alexander de Horne, Richardus dictus Grasinck et plures alii fide digni. In maiorem firmitatem et notitiam posterorum praesentia sigilli nostri munimine fecimus communiri. Actum et datum anno Domini M<sup>o</sup>CC<sup>o</sup>LXXX sexto, crastino dominicae Quasi modo geniti.

Kopie im Varlarer Kopiar S. 36/37.